

ter nach O. vnd da du noch 160. Schuch bis in X. gemessen hast/ findest du ein Creuz weg Y. vnd 2. vnd berürt die Nadel von X. nach Y. 200. vnd findet man von X. in Y. so den Eck der March ist 150. Schuch. Da du darnach vollende messest/ findest du von X nach O. noch 340. Schuch/ vnd dz wirdt dir anleitung gaug seyn/ alle Gassen vnd Schrägen/ so du in der Vestung oder Statt mercken/ vnd auffs Papier bringen wöllest/ recht abzusehen/ auffzuschreiben vnd abzureissen.

Dann da das Papier noch vnuerückt auff den Tisch geflebt ist/ so reisse ein blinden Riß von N. nach O. da die Nadel 302. berürt/ so rechte Gassen seyn wirdt/ die mache 20. Schuch oder einer Gerstenkorn breit. Darnach trage von N. nach O. 120. Schuch oder 2. Körnlein/ da der Eck S. seyn wirdt/ vñ ziele vñ S nach T. da die Nadel 200. berürt dz wirdt die Creuzgassen S T. seyn: ziele auch nach D. da die Nadel 61. berüre/ diese Lini wirdt die Seitgassen nach der Spiken D. gebe. Dann trage weiter auff der blinden Lini von S. nach O. noch 160. Schuch/ da muß die Creuzgassen X. seyn/ vnd sehe wie die von X. nach Y. soll gerissen werden/ wann die Nadel 200. berürt/ vnd mache die 150. Schuch oder 2. Gerstenkornlein lang/ so hastu den Eck der March Y. die kanst du dann vollend abreissen/ von Y. nach 1. 2. 3. 4. ic. da du fleissig alle mal achtung gegebe/ auff jeder Schräg/ was die Nadel berürt/ vnd wie lang jeder Seiten ist. Vollendt dann reisse deine Gasse von X. nach O. so noch 340. Schuch muß auffbringen/ vnd thu eben also in allen andern Dingen so du abreissen wöllest.

Man soll auch fleissig achtung geben / da man etwas mit dem Instrument auffs Papier eintragen vnd abreissen will/ daß kein Eisen am Tisch sey/ so die Magnetnadel verführen möchte/ davoraß das eingetragen Werk gar falsch seyn soll/ deshalb gesbraucht man das Instrumentum Inductorium oder Eintrager/ da man etwas fleissigs/ fürneßlich was groß ist/ abreissen wil. Item so gebraucht man gemeinlich in allen abgerissene Figuren/ daß man

I ii die